

汾州府志目錄

例言

圖

表

以上
首卷

沿革

卷之一

星野

疆域

以上卷
之二

山川

卷之三
卷之四

城池

官署

倉廩

學校

壇壝

以上卷之五

關隘

營汛

驛舖

以上卷之六

戶口

田賦

鹽稅

以上卷之七

職官

卷之八卷之九

宦績

卷之十卷

食封

流寓

以上卷

人物

卷之十三至

義行

卷之

科目

卷之十八

仕實

卷之

列女

卷之二十一

古蹟

塚墓

以上卷之

祠廟

卷之四

事考

卷之五

雜識

卷之六

藝文

卷之二十七至三十四

汾州府志卷之十五

人物三

辛彥博汾州人初名彥德洪武中貢入太學高皇帝賜
今名旋授監察御史秩滿遷浙江按察使以誑誤左遷
復除監察御史尋擢都察院左僉都御史改詹事府詹
事上書忤旨降山東按察使以保舉違例再降雲南布
政司叅政遷浙江按察使永樂初以擅責寧波衛指揮
陳仲禮謫戍興州未幾召還復除監察御史補福建布
政司右叅議伴送瓜哇使臣赴行在帝顧謂廷臣曰此
先帝所嘗器重者卽授浙江左布政使賜鈔五十錠因

乞省墳墓得旨驛歸後卒於官彥博居官四十年持守
清正不營田宅及喪歸子孫貧甚鄉人言爲官清苦者
必以彥博爲稱首

李鳳臯平遙縣人洪武中舉賢良方正知榆社縣有政
聲

梁卞介休縣人洪武十三年由通經儒士授本縣訓導
施教有方尤諳治體辛彥博器之薦擢御史病卒

張愜平遙縣人洪武丙子舉人性端嚴言動不苟初除
磁州判官以廉能著擢左春坊司直郎侍皇太子讀書
朝夕勸導以聲色寶玩最易喪志上聞賜荆杖勞之未

幾謝事去，後屢行徵辟，卒不起。

曹輿，介休縣人。永樂辛卯進士，授行人，博通諸史，名重當時。以病歸，止騎一驢，行李蕭然。

武允，介休縣人。永樂丁酉舉人，通明五經，博覽羣籍，恒以啟迪後進爲心。歷寧遠、盧龍二縣教諭，所至有聲。士多被成就，尋乞致仕，鄉後學翕然宗之。

王潤，介休縣人。宣德乙卯進士，知威縣，有善政。祀威縣名宦。

柴莊，汾州人。宣德末，知金縣，廉正愛民，秩滿，百姓保留，增俸，復知縣事。

楊昇字伯起寧鄉縣人正統戊午舉人官彰德府訓導遷遼東教授有學行在官在鄉俱多所成就

董瑾字文玉介休縣人正統十三年以貢生爲陝西甘肅中護衛經歷性剛直有廉操時有貴宦膝蛟妹以不孝詞投瑾瑾不少恕御史李某受屬於蛟轉屬瑾不聽卒置之法

王約寧鄉縣人正統中知定州善撫民時官軍逐寇糧芻不給設法厝置事濟而民不擾擢浙江鹽運同知揚智介休縣人少喪父三年中未嘗見其喜笑母喪哀毀廬墓有白兔馴擾人謂孝感所致正統中旌其門

武琦介休縣人景泰庚午舉人少居母喪廬墓時有橫軍作亂琦守墓不避賊入其廬見書數卷外無長物曰孝子也去之後官陝西肅府審理正

任義平遙縣人景泰庚午舉人篤於孝執喪廬墓三年知真寧鞏二縣以清正愛民稱民立遺愛碑

龐輔寧鄉縣人景泰丙子舉人成化十四年知涇陽縣改三原縣有異政擢知階州輔持行清約致仕歸鄉黨重之三原縣祀名宦

李穎平遙縣人天順己卯舉人授兗州府通判清介自持所請輒應民作清泉詩以歌之祭酒王雲鳳服其廉

謂有太古風。

董齡，汾州人。天順甲申進士，選翰林院庶吉士，歷河南按察司簽事，四川按察司副使。所至有廉能聲。子文奎，以舉人知玉田縣，有父風。

武賢，字尚德，孝義縣人。性至孝。母失明，以舌餵之，遂復明。父母俱歿，稍遠出，必拜告墓，自墓還，倒行，不見墓始已。聞官司傳呼聲，雖暗室亦拱立竢之。後舉入太學。天順中，知元氏縣。有訟者，反覆理論之，不加刑。民皆相勸以訟爲耻。庭清無事。改知興平縣，亦如元氏。去任之日，皆老弱泣送。

李願平遙縣人。用志誠篤。孝聞鄉閭。成化乙酉舉人。官鞏昌府通判。歲饑。勸富戶出粟以賑。全活甚衆。暇日課農桑。教民務本。考績以寬廉著。民立碑建祠。凡二十餘處。後遷溫州府同知。

李秀汾州人。成化戊子舉人。知樂安縣。清廉有異政。發奸摘伏如神。在官七月而卒。樂安民祠祀之。

溫廉字志潔。介休縣人。成化戊子舉人。詮選第一。授山東濟南府同知。招撫流離。奏除民害。九年。遷知尋甸州。轉知澂江府。時土賊猖獗。莫能勦捕。廉至。殲其巨魁。餘悉解散。廉以禮匡俗。政聲大著。澂江學校公署傾圮。皆

廉所修舉卒於官士民悲泣。

周儀孝義縣人成化辛卯舉人正德中官鄆縣教諭與諸生約鷄鳴就學課誦書史儀未雞鳴卽起正衣冠以待諸生多所成就秩滿轉保定府教授篤於訓迪一如鄆縣時。

馬驥介休縣人成化甲午舉人知寶坻縣臨事果斷不阿貴幸縣多皇莊草魚等廠中貴權倖時騷擾爲害驥請咨兵部出榜通行禁革一時頌聲徧滿道路。

文瑞介休縣人成化乙未進士授行人出使唐沈二府遺以金帛却不受擢監察御史按畿甸時有中貴侵民

田前經理官得罪瑞按法平之併真經理者之冤權倖
悚然巡山東官舍有妖暗投瓦礫中傷人瑞至妖滅值
亢旱出祈禱卽雨降人咸異之後擢山東按察副使兵
備遼陽節操愈勵卒於官囊笥蕭然

車梁石州人成化中爲御史十五年條列時政中言東
廠錦衣衛所獲盜先嚴刑具成案然後送法司法司不
敢平反請自今徑送法司毋先刑訊章下未報主東廠
者言梁從父郎中霆先以罪爲東廠所發挾私妄言遂
下詔獄給事御史論救乃獲釋遷知漢陽府卒於官

車霆石州人成化辛丑進士官刑部主事歷至郎中霆

性慤直持己廉正與上官語是非無少回互出知平涼府吏胥奉法唯謹藩府宗室無敢以私干者蒞任八年遷陝西參政入爲苑馬寺正卿擢右僉都御史巡撫宣府修舉邊政實心有功績致仕歸以禮讓表俗

張翼介休縣人成化甲辰進士授刑部主事歷至郎中出知保寧府遷四川按察副使羌人屢肆劫掠督兵勦除悉警伏又遷貴州湖廣參政擢右僉都御史巡撫甘肅殫心區畫獲功十有六次西北賴之尋召入理院事未幾請告歸卒翼性耿介其居官清望最著

王錫石州人成化丙午舉人官洛川教諭性篤孝父輔

歿於山東扶柩而歸野宿不避雨雪既葬廬墓三年時
早霜殺禾塋左右獨不傷咸以爲孝感所致服闋補曹
縣母喪亦如之斷絕菜鹽形瘁骨立知州王道一再往
請之歸謝曰死塋前足矣竟卒

任良才平遙縣人成化丁未進士知江陰縣擢知高郵
州良才性孝至老不衰居官以清介稱

田籽汾州人宏治乙酉舉人知長清縣居官鯁直一介
不取其事親孝養感至及親歿廬於墓所哀思骨立嘗
有早霜殺禾獨近畧禾不傷人以爲孝感之應族人多
化之鄉黨推重爲立忠孝祠與辛彥博並祀

賈璇汾州人宏治庚戌進士官戶部主事歷員外郎中嘗督鈔揚州羨餘盡歸之官行賑江北調度有方所全活甚衆正德初守闕乞誅宦官劉瑾等不報出補陝西右參議未幾爲瑾所陷而歸及瑾伏誅朝廷將欲大用以目疾辭時論惜之

高崇熙石州人宏治庚戌進士官至四川巡撫蔭世襲錦衣衛千戶其事蹟湮失考正德六年二月諭都察院右副都御史高崇熙勅有云今保寧江津等處殘賊復聚爲患爾會同總兵官楊宏征勦藍五等餘黨同副總兵王憲勦殺江津強賊朕念彼處地方四年用兵軍民

困憊已極。爾須加意撫恤。設法賑濟。存問疾苦。寬釋脅從。十年八月。贈右都御史高崇熙誥有云。事有寔論。乃追念其前功。故都察院御史高崇熙。器識恢宏。性資莊重。累遷臬府。才猷振乎綱紀。爾擢藩司。政克宣夫德化。以蜀寇之未寧。致王師之見討。乃從僉議。晉陟中丞。彰國典以勵人心。飭兵機而鼓士氣。羣方漸息。藹歌頌之將興。三捷交馳。丕風聲之益振。顧其推誠待物。竭力保民。豈期釜內之魂。復有柙中之變。雖勢難再振。而功未全收。爰召北還。遂致中殞。十一年四月。諭祭文有云。爾性資敏達。器宇魁梧。發跡賢科。擢司風紀。歷官藩臬。綽

著能聲晉佐都臺從西蜀時因盜起受命臨戎捷報
既聞賊氛復熾事出不測遂致人言方在申誣胡遽淪
沒觀此則崇熙累官及功績大概可見第崇明官長垣
縣丞擢知邱縣亦有治績

石瓚介休縣人宏治壬子舉人知羅山縣時霸州流賊
猖獗鄰縣棄城走寄印於瓚者十一瓚孤城獨守鏖戰
月餘面中矢自拔去殺賊有功兵部奏請陞俸一級仍
管縣事招集流民撫恤備至知府出見羅山民呼而語
之曰汝等天堂上百姓邪擢萊州府通判羅山民立生
祠瓚以親老乞歸侍養遂不復仕方伯劉向可移檄嘉

之曰孤城獨守功活萬人巡按尙維持表其坊曰光生
冀北名著汝南帶管提學楊肩賢以忠臣第題其居

任良弼平遙縣人良才之弟宏治癸丑進士選翰林院
庶吉士授刑科左給事中轉吏科都給事中彈劾不避
權貴遷通政司左叅議忤宦官劉瑾降補建昌府通判
復矯詔下獄謫戍遼陽時節自如瑾誅起通政司右叅
議良弼居官三十年澹泊無文諸生名重朝野及歿家惟
琴書

辛文淵字道深石州人宏治癸丑進士知濬縣丁母憂
服闋補固安縣遷知無爲州轉河間府同知忤宦官劉

沙州府志 卷十一
瑾逮獄謫廣東化州同知未幾遷河南汝寧府尋致仕以御史薦起彰德府時山東盜賊縱橫而登萊間尤甚乃以文淵知萊州府至則浚隍崇墉以忠義激勸其民而忌文淵者方據要津或勸以饋遺免禍文淵不從復棄官歸文淵性剛直所至有聲

嚴泰汾州人宏治丙辰進士官戶部主事峻潔有治才不妄取予督鈔蘇州蔬食飲水而已鈔關故有便民小關後并徵稅泰至罷之吳人謠曰許墅灘頭無濁水蘇州關上有青天後知登州府考治行廉平第一以介直忤時或有造飛語欲中之者泰歎曰是尚可仕邪卽抗

疏歸杜門罕交接服母喪終身不除

張禮石州人宏治丙辰進士知博興縣祀鄉賢事實無可考

辛桂石州人宏治甲子舉人知寶豐縣遷永平府同知誥封戶部郎中祀鄉賢事實無可考

劉伸原字宗本汾州人宏治中歲貢生母喪廬墓晝夜悲號有盜夜半乞火伸原與之其盜知爲孝子廬遂感化改行卒爲善類牧童無不識其墓呼曰孝子墳

劉尙忠汾州人正德丁卯舉人知合水縣縣僻事簡尙忠靜厚不擾蒞政五年書

南開有白鳥常集於庭擢

平涼府通判

張鍵字君重石州人正德戊辰進士官南京戶部主事忤太監劉瑾逮至京師不爲屈謫衛輝府通判瑾誅復戶部主事督儲天津流寇奄至鍵登陴誓衆晝夜不怠卒保無虞薊州莊田累經奏牘不決鍵履畝清覈歸其侵於民督餉關西招商搜逋士無饑色會蘭州大饑死者枕籍鍵發粟賑之全活甚衆及歸蘭州民遮泣立石志思擢知開封府開封中州省治隸縣四十餘文移旁午揮洒如流凡事之不便於民者必釐革之未幾卒

賈繼之汾州人璣之子正德甲戌進士官戶部主事歷

中寬厚廉謹有儀度未第時省父揚州有遺千金
求通關節者不納便告歸父曰旣來定省何遽歸邪曰
恐在此多事或負大人清訓耳後以言大禮被杖明年
卒

張鈞石州人父赦國子生以二親早亡矢志不仕隱居
城北村鈞正德己卯舉人以親老亦不仕讀書奉養孝
聞遠近嘉靖二十年俺荅兵入寇虜其父去追百餘里
號哭不絕寇射中其肩拔去復馳至則父死已二日一
痛而絕及甦斂父屍歸盡飭父血水漿不入口三日不
勝悲痛而卒事聞建孝烈坊旌之

馮華石州人正德己卯舉人知鄆城縣祀鄉賢事實無可考

張襄敏珩石州人正德辛巳進士授監察御史巡鹽兩淮繼按畿輔及陝西所至貞憲釐弊獎廉糾貪時稱名御史歷太僕大理二寺少卿僉都御史巡撫延綏尋遷南京都察院右副都御史提督操江未幾召入協理院事進左副都御史會宣大總督罷廷議屬珩珩以鄉曲辭爲言者所指落職久之以原職起巡撫寧夏進兵部左侍郎兼右僉都御史總督陝西三邊前後獲首功甚衆上數賜璽書金幣勞之進右都御史居數歲拜戶部

尙書督理大倉未至。值延綬有警，坐失事被逮，謫戍慶陽。未幾復起爲副都御史，巡撫延綬，遷前職。丁母憂歸卒於家。年七十餘，賜祭葬，贈工部尙書，謚襄敏。珩行履修潔，器識宏遠，居官以剛介著。前後上鹽法、馬政邊畧二十七疏，尤博綜羣籍，爲御史時，輔臣有謂珩才行可充講官者，欲推轂入翰林。珩三疏不就，時論高之。

任道敏，字濟愚，孝義縣人。正德中，知漳縣。至則撫瘡痍，招流亡，平土寇。不二年，縣大治。以疾歸。道敏性孝友，居官在鄉，皆有聲稱。

張大祿，字萬鍾，孝義縣人。正德中，歲薦爲國子生。官深

澤縣丞有廉操事父母以孝聞

賈越石州人正德中知汧陽縣清正有特操遇事立決會縣境盜起越往勦遂戰死

李秉彝石州人嘉靖癸未進士知蠡縣祀鄉賢事實無可考

胡汝輔石州人嘉靖乙酉舉人知安東縣除強禁暴蒞政剛方改商河縣擢監察御史上時政十二事皆切中利弊轉按察司副使

高金石州人嘉靖丙戌進士歷兵科給事中九年上疏言陛下臨御之初盡斥法王國師佛子近又斥姚廣孝

配享。臣每嘆大聖人作爲千古莫及，乃有真人邵元節者，誤蒙殊恩，爲聖德累。夫元節一道流耳，有勞優以金帛足矣，乃加崇秩，復賜其師李德晟贈祭，廣孝不可配享於太廟，則二人益不可拜寵於聖廟。望削元節真人號，并奪得晟恩卹。庶幾闡正道昌，上方欲受長生術，立下詔獄拷掠，終以直釋之。尋偕御史唐愈賢稽覈御用監財物，劾奉使等侵蝕狀，寘諸獄。時有牛氏者，恃國戚橫肆，金以法治之，不少貸。帝聞曰：「此天下直臣，朕所畏憚。」又除京師巨豪張孝，後遷山東按察司副使，政聲大著。北直山東俱入名宦。

嚴霜臨縣人嘉靖八年知褒城縣性溫和簡約以儲蓄爲急遇雨暘祈禱如響而操持廉潔終始如一

張九湖石州人嘉靖九年寧鄉縣妖人聚衆五百出入寇掠九湖願爲國除賊時官軍甚少九湖充義勇能挽六石硬弓其發矢賊卽應弦而倒乃悉來皆殊死戰官軍不支奔潰九湖猶力拒矢盡遂死之年甫十有八

雷潔平遙縣人嘉靖辛卯舉人知延長縣居官九載有美政潔平易近人優禮士子尤喜崇獎節孝

張冕字服周孝義縣人嘉靖壬辰進士授戶部主事收太倉轉本部員外郎擢河南僉事分巡大梁至洧州

因颶風辨野寺之寃人咸異之遷霸州兵備副使平土寇其居官勵操守及歸行李蕭然居家二十年博極羣書德行文學遠近推重著有勝溪文集及縣志

賈銳石州人性篤孝家貧幼孤事母竭力致養遠近皆稱曰賈孝子嘉靖十一年知州李昇額表其門禮請鄉飲力辭不赴母卒年九十八銳亦六十七矣哀毀廬墓遂卒於墓所

李翰字憲夫汾州人嘉靖甲午舉人知高陵縣存心平易遇事練達值地震人民死者過半盜賊蜂起翰立法甚嚴懲治渠魁不少狗民賴以安擢慶陽府同知

劉尚義汾州人嘉靖乙未進士由行人選御史在朝稜
稜有威望降秦州判官改知朝邑縣遷松江同知俱以
清介稱擢南京刑部郎中出補四川僉事兵備西蜀兼
督松茂邊餉蜀人苦空運尚義設法收給軍民兩便又
釐清宿弊民作八頌以歌美之轉陝西叅議河南副使
卒於官家無餘蓄尚義爲人淳朴簡淡好讀書所著有
柏山集四卷詩五言尤駸駸入古

張玘石州人嘉靖乙未進士知清豐縣擢兵部主事歷
至郎中出知永平府先是夢二朱衣人遺墨二笏至是
爲夷齊廟所見宛如夢蒞任三年勵清操擢按察使晉

右僉都御史巡撫順天。屢奏首功。尋謫布政司叅議。復入爲大理寺少卿。遷順天府府尹。轉南京戶部右侍郎。召爲兵部右侍郎。中途疾作。至延津卒。縣令發其行裝。止俸銀十有七兩。士論以爲仰孤竹遺風者。賜祭葬如例。廕一子。

張德化。石州人。嘉靖庚子舉人。孝友篤行。博學洽聞。不仕而卒。著述甚多。門人謚貞孝先生。

韓道兒。臨縣人。嘉靖十六年。俺荅兵入境。掠其母。道兒追及之。以石擊賊。母脫歸。而道兒被殺。年甫十有七。事聞。得旌從祀鄉賢。

張丞相石州人少孤及長爲諸生事母以孝聞嘉靖二十年俺荅犯石州母被執奔救俱被殺寇退人往視之其屍尚抱母之頭有司申請立孝烈碑是時殺掠甚慘石州爲親死者十有一人

于濂石州人二歲而孤奉母盡孝年十八讀書城中嘉靖二十年俺荅兵抵城下號蹄求母母已被執道遇之取石擊寇寇就剖其心而死母得遁去事聞旌表

張永安石州掾吏嘉靖二十年父爲俺荅兵所逐持挺追之擊傷二賊父得逸去而身自後衛之被數十創死

事聞旌表

楊經寧鄉縣廩生嘉靖十九年俺荅兵入寇其父被殺
經率二子淑湘提鐵棍重四十斤結河南力士王邦直
時人號之曰王千斤者俟間深踐寇地殺獲首虜還謁
軍門凡歷三年餘軍門送歸本縣肄業知縣旌以額曰
忠孝天成

霍冀字堯封孝義縣人嘉靖甲辰進士授永平府推官
擢監察御史清軍浙江巡按河南平土賊誨尚擢大理
寺寺丞都察院僉都御史巡撫寧夏戎事甚飭賜金綺
移鎮保定畿右歲祲嚴武備發倉廩民賴全活蘇昌宣
大以缺餉告命徧歷疆場盡得耗蠹侵冒之實因條上

恤軍通商轉輸積貯四事制可尋命總理山東河務轉
兵部侍郎總督三邊軍務厚恤死事汰儲將不職者募
丁壯激忠義修戰守具軍容一新時延寧兩鎮皆有奇
捷晉兵部尙書料天下戎馬強弱邊塞要害及諸將帥
材勇高下悉經畧劑量之宜以議憲臣功罪及京營事
宜兩忤輔臣乞歸冀歷官三十年持已接物溫恭端重
而才力過人事至轉化無滯年六十卒賜卹典如例
陳謨寧鄉縣人嘉靖丙午舉人初任知縣歷官戶部郎
中性謹厚廉潔動履不苟執父母喪廬墓六年兄訓歲
貢生家庭以孝友稱並爲士論所重

梁明翰字維憲孝義縣人嘉靖丁未進士授刑部主事
歷至郎中知慶陽府遷按察司副使邊陲騷動撫降其
衆轉太僕寺卿陝西叅政遷四川按察使明翰性長厚
賑恤鄉黨與人交恂恂禮法居官平易近人年八十三
卒。

張芹字獻之孝義縣人嘉靖丁未進士觀政解餉雲中
愆期左授山東布政司照磨權知肥城縣遷安期縣招
集流移民多復業改濟源縣擢戶部主事轉郎中知延
安府有惠政民爲建生祠。

劉有誠字存甫寧鄉縣人明嘉靖丙辰進士官行人司

行人轉司副正四十二年遷刑部江西司郎中讞獄多
所平反隆慶二年起服除刑部陝西司郎中竊徒李朝
等爲亂勢猖獗有誠廉得其狀畫策擒渠魁數人平之
明年授浙江按察司副使會歲饑請於巡撫賑恤二十
餘州縣賴以全活勅臨清兵備尋督學陝西擢山東布
政司叅政分守海右藩王奪取民田以爲莊田歷年已
久有誠理而歸之民礦賊嘯聚爲變有誠鎮靜以消之
時青境凶荒流離殫心招撫設法輕減徭賦手校簿書
至寢食俱廢得病告歸半載撫按促之起入境民如見
慈父母值漕渠淤塞開新河有誠與贊籌務求所以寬

民力前病復作卒於官病劇時諄諄如夢中語猶以東人困役爲念有誠性嚴毅自其少好濂洛諸儒之書有所感動則錄出粘壁間爲學首嚴義利置紀過簿慎獨牌以自警嘗慕明道文清志行諸葛文山忠貞居官勤於民事所至除積弊之病民者及卒囊無長物僚屬捐俸助衣衾巡撫以下咸感其廉操厚恤其嗣萊人建祠勒碑著有詩文語錄數十卷子士宏爲諸生天性孝篤早失母晝夜爲孺子泣事祖母晨昏定省躬自炊爨父疾篤衣不解帶及歿毀幾殆撫諸弟友愛里黨共稱其

行

王緝汾州人嘉靖己未進士授吉安府推官以母老迎養不便疏請就近改助教歷職方司郎中擢太僕寺少卿轉僉都御史巡撫貴州苗民歸附賜金幣進副都御史巡撫南贛終戶部右侍郎歷官三十餘年兩爲巡撫尤多建樹貴州建祠祀焉所著書有防邊紀畧

趙訥字孟敏孝義縣人嘉靖己未進士知定興縣賑饑有法改江都縣時權貴欲以其縣稅糧洒派鄰縣訥不從擢刑部主事服闋補戶部差管徐州倉出羨餘修呂梁洪橋轉郎中知保寧府甫三月乞歸囊橐蕭然訥性儉約不治家人生產嗜讀書寒暑不輟教人以孝友爲

先實行副之刻語錄詩文三十卷雜著選次七十八種
沁縣續志其一也年七十九卒門人私謚文直先生

王友賢寧鄉縣人嘉靖己未進士歷知長安曲周二縣
擢湖廣道監察御史遷大理寺丞轉少卿歷光祿太常
大理寺卿工部侍郎南京工部尚書加一品俸卒贈太
子少保友賢雅度抑抑而剛有執持在朝不阿權要
其行事無遺文可考

薛東海石州人嘉靖壬戌進士知滑縣守官剛方嗜學
至老不倦生平多所著述

張更化汾州人嘉靖乙丑進士授南陽府推官隆慶三

年擢監察御史明年巡視兩浙萬歷元年巡鹽政按鳳陽三年南畿道刷卷胥以整飭著五年擢陝西副使遷叅政丁憂服闋補湖廣叅政十四年遷山東按察使丁憂復補原任十九年遷右布政使歷河南左布政使二十一年晉階太僕寺卿致仕更化歷官所在有聲性端嚴鄉人胥敬之有祠祀在城東關子熾以孝行稱

朱表懋慶成府奉國將軍嘉靖中俺荅入寇表懋赴闕獻策忤嚴嵩意以越職言事斥之歸後寇圍汾陽慶成王知其能與畫策登城守出奇計擊賊賴以保全表懋補輯畧所著有陣圖撞石飛礮滾標戰車懸樓等式或

嘗得異術臨陣祭大蜂蔽天入敵營蜚死甚衆
揚州之圍

賦孝義縣人嘉靖中肄業太學賦七歲喪父慟毀骨
立母病跣步不離顛天請代以憂瘁髮盡白與弟佃至
友愛因思母不置遂成病卒鄉人稱之爲田夫子

趙師商孝義縣人嘉靖中貢生官清苑縣主簿執法不
撓條論時政多見採納尋歸其居官在鄉事有濟於人
知無弗爲祀清苑縣名宦

高崧寧鄉縣人隆慶丁卯舉人初任知縣歷官真定府
通判居官清正惟恐不義涉

文揚孝義縣廩生隆慶元年俺荅兵入其里肆殺掠揚
避走出舍尋其父知被執往教乞代不得遂並見殺
孫士亭臨縣人俺荅入寇扶父避入崖谷一賊追及之
士亭以所持鏃與鬪擊賊走入營中羣賊持弓矢射士
亭中二十七箭死父得免有司上其事立坊旌表
張格石州諸生負母避難遇賊將刃其母哀泣求代不
得罵賊而死

張中路孫光裕車成並石州諸生俺荅入寇與州民張
邦化李正秋崔桂劉朝瑚守城死祀州北忠烈祠

陳三道寧鄉縣人萬歷壬午舉人知延川縣改清澗理

冤獄判決如流咸得其情而廉潔自持循聲大著擢真
定府同知

王政字正之孝義縣人萬歷癸未進士初知宜陽縣讞
獄稱平改清苑縣裁冗費撫流亡不阿權貴擢刑部主
事督漕運清剔漕弊性鯁直其行事不少假借

范道行字太衢平遙縣人九歲能文善詩歌萬歷癸卯
舉人知澠池縣立學校重農桑民感其德爲立生祠以
宦官魏忠賢索賄不應被劾歸李自成之亂罵賊死

梁殿邦字元鎮平遙縣人萬歷丙午舉人知三水縣少
孤嫡母閻氏母曹氏殿邦有至性事母曲盡孝誠負異

才爲文奧古文行並爲世所重

喬承詔字揚名介休縣人萬歷庚戌進士知南宮縣擢按察御史按閩平海寇地方寧謐以薦舉與當事不合歸杜門著書崇正中召起爲太僕寺少卿催餉陝西憫其民貧憊疏奏寬減憂勞得疾卒於行署從祀鄉賢給子孫奉祀生員

董承業字紹休介休縣人萬曆癸丑進士官中書歷刑科兵科給事中因陳時事忤宦官魏忠賢被劾免官杜門著書及魏璫敗召起太常寺少卿感痿痺疾告歸卒於家舊介休民多以輸粟於邊蕩產承業適奉差至大

同言於巡撫得改折色民永便之

王四維永寧州人萬歷戊午舉人知邵陽縣甫下車值歲饑斗米錢千二百立請蠲賑設施有法全活甚衆擢衛輝府同知監軍餉畫謀擒叛總兵劉超以功擢異

王文清永寧州人萬歷己未進士累官都察院右副都御史巡撫遵化等處清介一方朝野倚重致仕歸父維機贈奉政大夫刑部郎中鄉賢事實無可考

任尚習孝義縣人萬曆中貢生知三河縣以不媚權要致政歸鄉黨咸重其清操

王裕心字元涵孝義縣人政之子天啟壬戌進士官南

京國子監博士疏訟楊漣寃陳魏忠賢罪惡狀留中不報轉戶部郎歷大名寧夏蘭州榆林道皆有政績擢右僉都御史巡撫西安數立軍功致仕歸值李自成之亂不食死。

馬初登字揚衡介休縣人天啟甲子舉人博閱羣書尤精心於易時流寇猖獗初登設法守禦城賴以全。

李開先汾陽人天啟丁卯舉人有善行鄉人多德之祀鄉賢。

李英俊介休縣人父天質狂疾投井英俊時方灌園奔救不及隨投井中俱死天啟中有司旌其門。

趙宗堯平遙縣諸生父歿三年人未嘗見其喜笑與弟宗武事母盡孝道崇正中知縣于爾直桑開皆旌以額生平周恤親族多善行

胡遇春字統三汾陽人少孤家貧崇正戊辰進士知聊城縣詢縣中利病知其最苦者歲報大戶乞徵解水陸道舳軒絡繹破編民產十八九遇春乃建議設吏代之以贖緩待器用諸有賠累則出於官而供張亦咸辦壬申河大浸遇春左右指畫疏洩之必退而後已水旣退艱播種復請免額稅未幾權知臨清州值孔有德兵屯州境遇春率州兵以守時出不備襲擊敵始逸大學士

朱延禧聊城人也。有傑奴犯陰罪，匿相府。遇春必捕之。正以法指揮德州滿某，狎一倡婦，窺倡多金，盜攫去。倡患死，倡弟訟之。滿賂當道屬誣倡弟坐死。遇春爲直之，曰：「不以賤抑其寃，其戒子書曰：汝父半生半死人，斷不作貪墨吏爲若輩牛馬。切勿學豪華兒，媵鄉閭敗吾志。」蒞政六年，擢戶部主事，以病歸。抱病五六年卒於家。子庭字季子，李自成之亂，庭遂與弟同，並隱居講學。庭於易詩春秋論語大學中庸孟子皆有論著，同精明醫學。四川總督某請治篤疾，至則愈，且敬其爲人，遂深交。屬有以三千金致饋，求同一言者，峻拒之。兄弟共勵名。

節有學守

劉三元字聚奎平遙縣人崇正庚午舉人性方嚴負節概初知欒城縣教民稼織俾無曠土無惰民擢兵部車駕司主事兼戶部事出爲寧遠道會李自成之亂三元與諸生范羽可等糾集各路義師至數十萬及事無可爲遂棄家爲黃冠放浪山水間後遊欒城舊治士民張樂伐鼓方於生祠爲賽會三元徑入祠踞坐取爵暢飲衆環視識之曰吾父母也羅拜痛哭後卒於欒城李元滋石樓縣諸生謹厚有學崇正五年李自成之亂賊執之罵不絕口以死有司旌之曰義士

曹良直字古遺汾陽縣人崇正丁丑進士知尉氏縣歷知靈壽雄縣擢兵科給事中條奏兵形八事一軍令不可輕更兵機進止呼吸變化此行間事也若樞臣調度惟宜斷之以大義如近者督師薊督領兵前進威必宜揚侯國必宜救此大義也忽而以尾追無益議撤忽而以東西分入催戰在廟堂之上不過一轉語耳而三軍之衆倏進倏退幾等兒戲且進退之間勞逸生死判焉必有心志搖搖怨聲載道者言之可畏以後請痛戒之一闔外不許請旨將在外君命有所不受況陛下神謨廣遠屢有原不中制不許遙請之明旨近來將帥故違

頻瀆習以爲常。此不過騙陛下。一旨以爲卸罪地耳。且請旨疏入。而營謀安頓之伎倆種種隨之矣。此奸弊之尤也。卽或無他。而兵機呼吸立變。彼馳奏候旨。部覆又候旨。往返等待之間。事機已去矣。陛下徒勞批答。樞臣徒費申飭。無益也。以後凡有遙請者。比逗遛科罪。一人援不許請旨。臣子赴君父之難。義惟一往。更無轉念。近來庸懦撫鎮。旣聞邊警。疏請入援。明係逗遛觀望。其中布置安排。且不可測也。此豈復有人臣禮乎。除如遼楚秦豫身臨大敵。原應請旨外。其餘皆屬不臣。後有犯者。立建正法。一援兵不許報號。樞臣一聞邊警。調取各路

援兵文內必有赴某軍前聽調度之辭此卽信地此卽軍令也近見各援兵至必先赴京兵部報號雖覲面遇敵亦不戰曰我未報號也軍法離信者誅違令者誅獨不一問乎夫援兵遠至聖恩必有賞犒臣謂如調兵文內係來京者就京城外賞犒之若調兵文內派有某軍訖者宜將賞犒發至軍前違限後至者竟免卽報號必不可廢亦止許數人入都違者以枉道逗遛論罪一監軍不許敘功將帥皆在功罪之中惟恐欺飾而後設監軍焉若一體敘功扶同之弊必滋故監軍止許事後敘勞卽論功罪亦宜以精核爲功通同爲罪若戰勝獲功

不許列名違者以冒功置罪如是則監軍曉然於功罪
之外必無通同欺飾之弊矣巡按亦然宜著爲令一監
軍不許鈔將帥之塘報將帥在功罪之中塘報大半欺
飾監軍者宜自領一旅專視各將功罪臚列塘報刻期
密奏其於將帥塘報許之公報正并奏如有通同掩飾
別有奏聞監軍重罰不寬一或守之功不宜并敘行間
欺飾之弊最多如將帥必先報功而又恐人發
覺乃并地方官亦敘在內及巡按并鄉紳過客
者或云措餉設犒或云運送功器或云指授方畧此無
他蓋欲人人在功之中而無異辭以遂已之欺飾也以

後列名者以冒功論罪。將帥之欺飾少止。一舉將連坐之法。宜有分別。聖明之世。豈乏禦侮之材。而人每每知而不舉者。惟連坐是懼。然而連坐可不行。歟。亦曰。稍爲分別可耳。如督撫鎮將。除一籌莫展。以及大貪大詐。違坐不宥外。其餘清勤勇烈。而爲時勢窮困者。姑免連坐。若所舉之人生平可諒。忽變而爲貪詐。其舉主能自忖者。亦與免罪。良直少甚貧。族人中有欲助之貲。爲治生計者。謝曰。吾輩豈逐末營利邪。及歷三縣。所至有政聲。去之日。民泣送者盈道。性嫉惡。在朝彈劾不避權貴。以直聲著。卒於官。

國芳孝義縣人崇正丁丑進士歷官陝西河南提督江
西學政擢太常寺正卿以廉正著所至有政績

朱新堞明宗家汾陽縣崇正十四年尚宗貢生知中部
縣時縣殘民困繪流亡圖將上之會公事出土寇陷城
免官已而復任命

致命之秋也受事

傳微至新堞方巡城怒而

碎之立斬來使欲

縣新破人皆逃散乃書表

封印使人馳送京

望闕拜又望拜其母卽自

經士民葬之社壇

妻薛氏馮氏見新堞誓死

以待賊至請先繼

新堞撫而勉之左右皆泣士

民亦以耐葬

傅作楫，孝義縣人。崇正癸未進士，知慶都縣。歸後事父母二十餘年，有孝行。國朝順治六年，姜瓖之亂，迫脅不從，逃入山中。及賊平，大將軍手諭招之，作楫至營，以老疾固辭。入城，見尸橫道中，悉爲掩埋，收養逃亡男婦五百餘人，遣之歸家。所著書有銘心集二十卷。

朱敏濛，字龍澤，慶成府鎮國將軍。軀幹甚偉，好直言，傲岸之氣，人多憚之。聞賊據平水，敏濛出家貲，盡散與貧窶。及賊至，被執，詣李自成，使跪。敏濛厲聲曰：「我將軍也。太宗之膝，豈爲賊奴屈哉！自成令摔下，敏濛振聲一喝。」

者披靡退數武羣賊蜂擁爭批其頰罵不絕口折頸
裂股而死

馮運泰字來吉汾陽縣諸生豪宕自喜善屬文賊入境
運泰拉同儕日夜晝守城策甚悉以上當事賊謀廣布
知運泰首規拒賊方薄城即使縛以見運泰聞之仰
天嘆曰死則死耳安有昂藏丈夫而受賊刑辱哉遂投
井死里人收殮如禮題其棺曰明殉節處士馮生之柩
楊正春字榮初汾陽縣諸生李自成之亂賊執之去使
飼馬他所正春薄暮見賊寇入文廟瞻拜痛哭隨投井
是夜見夢於室人曰我得死所矣但水寒沁骨盍早出

我室人夜起而號。徧覓不得。次夜復夢曰：我在府學井中，何他求也？往視之，果得正春屍。正春死時，有丐者見之，與人言其狀。

賈守亨，字通吾，汾陽縣人。少任俠，不羈，賊氛四起，守亨偕里中好事者習射東郊。賊至境，人多謀出迎，守亨不許。及賊入其室，大罵格鬪，隨手而倒。衆賊持挺亂下，守亨紿曰：汝不過欲得財耳，我有伏藏，爲汝採取。汝不得，唐突以辱我。賊諾，守亨入，拔刃大叫，自剖其腹，血濺壁，腸委於地。賊隨後窺伺，大驚走。

王尙龍，字雲從，平遙縣貢生。崇正中，歷官兗州府通判。

機知陝州事父母曲盡孝道父文俊壽百歲母白氏亦九十有二

文雲鳳介休縣人崇正中以材武選置近侍李自成犯京師懷宗崩雲鳳趨與母訣曰願以死報國母曰吾從子食祿天朝寧再見他姓願先死以成子志遂自刎雲鳳縱火焚宅舍及妻子女同時俱死

喬遷介休縣諸生太僕丞詔之子也甲申之變賊執之遷抗直不屈視有井遂投之賊曳出以火灼其腹罵賊不絕聲而死

鄭登雲石樓縣人見父病垂危惶急不知所爲遂刳股

作羹以進疾愈平好施與恤窮乏值亂賊執之
屈而死

高宗文永寧州貢生官汾西縣教諭致仕歸闖賊之亂
賊將田虎攻州城宗文知城陷索朝服北面望闕拜秉
燭端坐賊入其家死之

張素永寧州諸生李自成之亂城陷被執不屈得脫投
井死

梁國棟永寧州人性孝友流賊陷城衛父被砍四刃見
父遇害罵賊求死賊曰孝子也釋之時季父及弟亦爲
賊殺國棟備棺掩葬負母出城隱居奉養

賀來佐汾陽縣人八歲喪父盡哀明年母病來佐廢寢食奉侍藥餌四閱月如一日及卒不食五日哀毀骨立終制後補博士弟子員

李憲平遙縣人官保定府太寧衛經歷擢耀州同知轉山東布政司理問食知州俸歷官二十年清慎如一日事母孝甘旨奉養一飯不離及歿執喪三年事死如生士大夫咸高其行祀耀州名宦

梁棟隆平遙縣貢生官華陰縣縣丞清慎有聲事繼母以孝聞

邵希曾平遙縣諸生幼孤家貧事母張氏自甘粗糲

盡色養撫按聞其孝屢發粟旌賞及母歿後歲薦入官恨未祿養猶時哀傷慟泣。

趙澄平遙縣監生母喪廬墓朝夕泣奠塋中草木冬萌有司旌表其門。

王欲見字以道平遙縣諸生以孝行稱於鄉鄉人喜言其事親居喪可以爲法。

張榮平遙縣人父患疾不能轉側榮朝夕不離奉侍二十餘年未嘗處私室父亦尋愈有司聞而旌之。

石修玉平遙縣人官守備時山賊劫掠村堡修玉捕禦之所獲甚衆羣賊圍數市又格殺數人死之當事旌以

忠勇

尙義字用方孝義縣人有至性父卒事祖母繼母曲盡孝誠祖母患青盲日夜哀禱尋果復明

李天育孝義縣諸生父以酒後狂罵鄰里其母抑之房中遂憤而自殺天育痛父死非命遂絕飲食躄踴哀號三日卒督學周繼昌表其閭曰孝子

白騰蛟臨縣人官薊鎮總兵官都督簽事力戰死

宋銳臨縣人知洋縣時藍鄙警擾羽檄傍午外給軍餉內撫民心境賴以安

賀進臨縣諸生父以罪當死進詣官求代詞極哀切官

憐其志繫獄申聽決者三次後奏請得有。

賀希孔石樓縣諸生母張氏早喪家極貧事父仲賓嘗從永和負米色養備至及終廬墓三年有司聞其孝行額旌之。

甯孟魁石樓縣人事親承顏順志跬步不離父病衣不解帶者五十餘日及歿終喪三年獨居食粥縣人稱其孝行純篤。

孫子文永寧州人以貢生知南和縣廉能有善政民建祠祀之。

賈越永寧州人以貢生爲知縣祀鄉賢事實無可考。

平遙縣人王茂蘭楊國洪孝義縣貢生張均臨縣諸生
溫勵高節武衛寧鄉縣人史勉皆以孝稱其廬墓稱孝
者孝義縣則有張大登永寧州則有貢生王爾梅寧鄉
縣則有王伯誠貢生李士光武舉張濡諸生楊聯芳封
股稱孝平遙縣則有梁州尹寧州儒介休縣則有王延
孝義縣則有楊梁任國交寧鄉縣則有李永

右明百六十餘人舊志列辛彥博董齡李秀賈璇田

· 耘劉仲原嚴泰賈繼之劉尚義張更化劉基李鳳臯
· 張儼任義李穎李頤任良才任良弼溫恭霍韜李憲
· 梁卞董謙武允曹襄董瑾文瑞溫廉馬麟張翼石瓚

文揚武賢周儀霍冀趙訥車霆張珩張玘楊昇王約
龐輔劉清劉有誠陳謨王友賢高崧四十七人劉基
自其上世當宋時已居青田溫恭霍翰劉清王友賢
別見仕實董謙別見義行

汾州府志卷之十六

人物四

張登楷，孝義縣人。家故貧，父問智客遊，十數載，無音耗。登楷稍長，自力成家，既有子矣。一日，訣家之人曰：我將尋吾父所在，不見父，終不歸故里。輾轉經年，至川西，乃得遇其父。問智見子，雖喜不勝。然在彼地，更娶妻，生有一子。因是謂登楷曰：我家無立錫地，汝力薄難支，俟有餘蓄，可復圖團聚。登楷度不能強，乃返，貸於族鄰，盛飾輿馬往，竟迎父以歸。已所置產，均分與弟。其居鄉多善行，鄉人稱之曰：張孝子也。

劉昇祚，汾陽人。順治初，以進士官湖南道，駐辰州。賊來攻城，昇祚設守禦甚備，出奇兵擊之，賊遁走。已而賊大至，衆數萬圍辰州。昇祚擐甲登陴，立矢石間，指麾捍禦。而辰州爲鎮黔咽喉，故賊攻之急。數月，城陷。昇祚猶大呼巷戰，死。事聞，贈光祿寺卿，廕一子入監。僕溫虎亦從昇祚歿於戰。

任長慶，字雲石，石樓縣人。順治二年，以拔貢生授中書歷工部郎中，出知淮安府，轉鳳陽道，改臨洮道，卒於官。長慶精心計，有膽畧，任中書當從，駕人皆憚之。長慶毅然請行。姜瓖之亂，大兵來討，復請從行，恢復多有贊畫。

在工部權蕪湖龍江稅以廉潔稱所著有易解

趙永祚汾陽縣人順治丙戌進士授雷州府推官性剛
決執法不阿時雷民多匿山谷學校之教不興永祚得
通文義者二百人附於學親爲督課雷人始知讀書值
盜王翰肆焚掠永祚與同知周燦詣其巢開誠撫諭翰
投戈尋補慶陽府推官亦以清敏著卒後囊橐蕭然人
咸稱爲廉吏

王廷伊字嚴介介休縣人以舉人順治中知信陽州憂
歸起服知商州招撫流亡甚著治績內遷兵部職方員
外轉車駕司郎中與己酉廣西試遷瓊州道汰巡查擯

榔規例瓊海稱之以繼母憂歸卒。

師佐字靖公永寧州人順治壬辰進士知福寧州招流亡嚴差役爲文以驅虎患民立祠祀之遷蘇州府督糧同知釐漕蠹滌除漕規與糧戶約曰爾曹省一釐旁費則完一釐正供督撫兩疏薦會病卒。

于清端成龍字北溟永寧州人順治十三年以副貢知羅城縣縣數遭兵燹後拊循殘氓稍稍相習因問地方利害悉得要領編置保甲定約束前時鄰徭歲率二甚至殺掠人畜成龍勸鄉勇將搗其巢咸懼自投不敢犯外上躋所虜掠然後民得事耕稼縣有數大姓恃徭僮

盜賊爲爪牙。一逆其心，則召亂。成龍善撫民，恩威並用。數大姓皆奉法惟謹。居七年，遷知合州。往者新歸流戶，墾田旣熟，土著輒爭之。故旣集，復散。成龍爲規畫，立案籍三年而後稽。旬月間報歸千戶。未幾，遷黃州同知。駐岐亭。岐亭當黃麻偏界，多汙湖幽壑，盜所巢窟。時急盜案，官以盜爲諱，白晝行劫，不問。成龍遣捕得九人，集諸父老曰：「能保後不爲盜者，貰之。」保二人，卽諸父老前。取大索，連繫七賊坑之。盜自是慄遁。又獲大盜彭伯鈴，拔置左右，責以捕盜。巡撫張朝珍器重成龍，舉卓異。會吳三桂亂，作檄攝武昌事，問禦亂策。成龍對以安人心、莫

先下令停徵。朝珍已草疏，而成龍意與之合，以故兵事皆屬成龍。諜指武昌大姓與賊交通，以藏器仗爲證。成龍言大姓多避兵，良子湖中家人藏兵械備，他盜無足怪跡之。果無所得，用卓異遷知建寧府。朝珍奏改武昌檄造軍所渡橋於蒲圻，賊鋒迫入城守，而橋以山水暴漲圯，罷職。會東山寇作，朝珍復委除賊。成龍曰：黃州界三省，控七十二寨，其人剽悍阻險，難猝勝，請得便宜行事。許之。問需兵幾何，成龍曰：前守蒲圻數人與俱足矣。先是妖人黃金龍亡，匿劉君孚家，君孚得吳三桂劄書，黃金龍潛結賊渠周鐵爪等，期七月並起。會麻城人欲

因以陷其讐家。事洩，君孚恐遂以五月反於曹家河。成龍行次陽邏，偵知君孚雖反，衆未合，遂趨白杲。未至賊寨十里，止宿。榜示脅從者許自首免罪，誣陷者赴訴不。按捕投訴日千人，皆宥之。賊勢孤，欲卽降。恐見誅，成龍知其情，遣一人持檄往諭，而自騎一騾。一人張蓋，一人鳴鑼前導。未至二里許，命行呼太守來救。爾山中人君孚匿後山夾道，伏鳥鎗弩數百人。成龍鞭騾直前，入抵賊舍，坐廳中。賊環列，黠者因相率羅拜。成龍問老奴安在。君孚嘗隸岐亭役，嘗以暱易之。又問山中雨水禾稼。遂曰：汝等皆良民，自賊自取屠戮，父母妻子藏匿。

賊皆泣成龍曰執其首總遂熟睡移時寤曰客至何
乃不設酒脯君乎及及是出叩頭自訴許招撫
而還如期盡降其眾數千人以功復官留麻城經畫行
村野分立區保擡謹厚者爲區長還武昌聞金龍逃合
紙棚河賊鄒君申則移檄區長徵得二千人進駐望花
山度賊食少波利速戰緩以困之必自潰分三路守象
棋山大崎山及布袋坳以賊走必經黃岡伏兵馬鞍山
嶮巖間君申金龍糧絕夜遁走遇伏盡擒成龍坐山上
受俘疏聞晉級改知黃州府江西賊犯湖口旁掠興寧
吳三桂密布劄書陽邏陳鼎業合逃兵掠驛馬永寧鄉

何士榮石陂劉啟業白水阪周鐵爪鮑世庸各擁衆數千爲亂逼趨黃州是時各鎮援兵悉隨大軍進攻湖南議者欲退保麻城成龍曰黃州爲湖北七部門戶我師屯荆岳者數十萬水陸轉運取道於此且漢江控制險阻前倚興寧廬阜後歷下隴會剛諸寨雖祇一郡寔東西關鍵不可棄之去然則困莫若相機進剿賊雖衆皆取士榮進止先破上隴賊寨可不戰而下於是徵集各區鄉勇有衆二千人別遣黃岡縣知縣李經政擒鼎業謀報士榮已據黃土坳分衆以把總羅登雲武舉張尙聖領之往遇賊前鋒戰少利成龍疾馳抵尙聖營鄉勇

大集共得五千人營箔金寨下與賊對壘士榮數萬人
自牧馬崖分東西兩路來攻東路賊少以登雲領千人
禦之而成龍率千總李茂昇當其西尙聖攻右把總吳
之蘭攻左戰始合之蘭中鎗死賊鬪益急成龍鞭馬徑
前廵顧茂昇曰我死可歸報張公茂昇奮而進發矢折
賊大旗軍隨進茂昇馬被鎗棄馬射殺二人換馬進戰
復手刃數人而尙聖自右山繞出賊後相與合擊賊大
敗士榮左臂斷就擒得賊名籍焚之登雲擊東路亦追
奔數十里乘勝至呂王城據鞍草檄馳諭賊聞士榮被
擒又知毀其名籍各解散至白水販鐵爪世庸等欲保

什子寨成龍已先令人守隘不得上脫身走追擒之又分衆平石陂賊自進勤至此纔二十有四日東山亂定此康熙十三年冬也十五年水旱洊臻訛言復起成龍以人心易搖宜示以暇豫乃治赤壁亭榭與文武官寮飲射歌詠其間而密得暗奸流釁頓息歷官江防道福建按察布政使直隸巡撫江南江西總督卒年六十有八贈太子太保謚清端廕一子入太學其遷按察使也時耿精忠初平罹重辟者衆獄已具成龍力言通海數案所牽引半皆平民遂白於親王釋不問成龍清嚴忠直勤勞治事官吏無不敬畏歸於廉慎及卒將軍都統

寮屬來至寢室見周身布被一笥中袍一襲靴帶二事堂後米暨鹽豉數盎而已平時心憚成龍者俱感動流涕士民立祠於清涼山

曹席珍臨縣人順治戊子舉於鄉康熙二年知竹谿縣自張獻忠平毀城池後垂二十九年皆其餘黨盤踞三省會勦始經收復然文武官之蒞竹谿者猶各居山寨席珍請於上官徙入縣治事總督張長庚可其議於是兵民中分縣治而居經營招徠以縣無城池建臺設炮石弓矢以備不虞居十一年遷知彝陵州未赴任而吳三桂反湖南諸郡同日告陷鄖襄所屬沿漢江上下千

三百餘里鎮協偏裨及士卒聞風並起襄鎮則揚來嘉
鄧協則洪福竹山則謝泗竹谿則馮元各思投賊甲寅
三月二十五日馮元邀席珍飲未數巡脫巾投地曰時
事可知矣我輩宜乘機會席珍正色曰我輩當奉義守
死與此土存亡耳明日元遣人詐謂同心守死當赴神
盟誓席珍知其謀據臺不出四月七日元令家屬處南
山漫陰寨下爲入川計乃率衆攻臺三日凡五戰元取
薪集臺下欲焚臺會秦兵至駐劄白土關距縣四十里
元顧瞻首尾而守備劉斌所轄士卒三百餘人不願入
川中途劫斌還元勢窘遂舍去八月十九日賊將洪福

率五鎮十三寨來攻欲取道竹谿窺興元及關南秦隴
席珍率衆據中峯觀扼賊要路令劉斌分據桐溪寨爲
犄角賊分兵攻擊歷四旬大小五十五戰賊以餉匱萃
其衆攻中峯席珍竭力捍禦弟曹傑從子曹啟東及家
僮張永祚楊真寨民陳泰孔木匠從役徐祿何天祚等
皆力戰死賊將馬更奇將登觀席珍手發大石擊之中
腦立斃羣賊束草竿頭以焚觀樓樓上火起闔門遭屠
戮婦女二十餘人相攜投崖死席珍復上中峯絕頂靈
官廟據險以禦不食已二日又十餘戰家僮四十餘人
盡見殺力盡被執旣而得脫走白土關投遊擊余位都

職位都已暗與賊通。執席珍。予賊洪福送房陵。行至竹
山上。庸驛題絕命辭於古廟壁。其辭曰。昆明池水橫六
詔。中有長鯨尾不掉。西南風鶴過湖湘。妖氛一夜滿邊
徼。我家山右尹。楚水十載楓林始量徙。至荆門戶屬西
陵。未及交代軍聲起。康竹雞鳴到襄樊。長漢一千二百
里。偏裨鎮師與三軍盡見。調戍子。潮聲夜半捲鄖
關。烏語狐鳴滿漢南。高堂。爭來啗不信常山人姓
顏。水冷金寒性所成。若聖明內外援絕四十
日。嗟兮帳外皆楚。同日死血頸模糊當路
橫。牀頭刀頭總氣盡。誰莫問姓任爾碎首與流

腸羞向竈養，旬餘命。列雪花急，關木嬰鐵解房。
國讀書萬卷，取義難。悠悠生死，何足說。系命飛報武陵。
路幽繫房獄，無朝暮。夢魂夜到睢陽臺，傷心誰復辭霧。
露，曠盡冬。春到頭，令下還官許釋俘。共說反命偷生。
奸讀史，曾笑滿武。秋月黑，冒險度秦關。襁鹿初奔，說萬
難堪。恨余逆，通線索。反命成仇，縛送還重羅網。再榜
。血肉風飛，俱見骨。半口鐵鈕，斧合親。右手筋斷，右骨
折。風吹枷鎖，兩做囚。猙獰鬼卒，互輪流。上庸城外，南江
水。欲葬魚腹，不可求。寒熒明滅，照破肉。啾啾如聞夜鬼。

是時開闔不能言。潛將甲子算太乙。兩葉天子日正。

中國海何地不呼嵩。但能厲得驚霄志。不怕蚩尤十丈
身。及至房陵將殺之。至期傳釋放。安置撤海堰。席珍採
食荳花水芹等物。尋賣卜於市。至戊午。大軍進剿。賊夜
遁。席珍首謁軍門。乃資送至鄖陽。總督蔡毓榮檄府道
詳驗傷痕。適總督赴洞庭剿賊。停止上下文移。席珍僑
居樊城。辭歸籍。後三陟。自題部議起職。席珍以年逾七
十。遂不赴召。

高首標。永寧州人。順治進士。知廣昌縣。母憂起服。
補陵水縣。丁父憂。服闋。時閩藩爲亂。未平。其將
劉汝桂猖獗。首標單騎詣其營。曉以大義。汝桂心折。解

甲歸降廣昌。虜州縣胥。準軍功例加五級。尋以廉能。行取吏部文選司主事。疾卒於道。旅櫬蕭然。不能還會鄉人于成龍。總制兩江。乃獲歸葬。

董奕先。介休縣人。順治己亥進士。爲平陽府教授。遷國子監學正。研先儒書。以持敬爲本。雜採鶩湖鹿洞條規。分十則。用訓多士。所著書曰主敬編。子振祖。由拔貢生。爲太谷縣教諭。擢知霍山縣。蒞任六載。有惠政。行取授工部屯田司主事。卒於官。

梁繼素。永寧州人。以歲貢生知齊河縣。齊河歲饑。發倉粟哺之。男女老幼。用旗標識。俾以次就食。因爲濟趙牛

河築王龍隄民德之改知文安文安北接西淀爲水澤之匯造水車數百具挹田中水外出種秔稻得米數萬斛又條上制府酌定旗丁圈地租法不得意爲予奪由是五府胥視文安例卒於官祀文安名宦

梁潢字天水平遙縣人順治丁酉舉人知臨潁縣有善政行取主事歷員外郎中出知順慶府潢爲人精敏好讀書

賈達汾陽縣人康熙戊午舉人官沁州學正自少有孝行

靳士龍介休縣人父世愛與里人高汝木入山樵牧以

小忿爲才所毆墜崖死妻任氏方娠冀生男隱忍未發已而士龍生及長爲言父死狀而泣士龍嚙指誓必報父讐以母在遲之康熙三十一年母歿殮葬畢乃曰復父讐遂母志此其時矣因持挺出要汝才於路擊殺之語人曰四十年積恨今日始洩遂請縣自首或欲以其事始末白於官士龍曰死吾願也何喋喋爲卒死於獄縣人哀而葬之以節貞孝列表其墓

周琦孝義縣人康熙癸酉舉人有孝行及銓知縣以父老艱於迎養改授教職

梁通洛介休縣人康熙庚辰進士知澹縣作誓狀勒之

石以時自警多善政解任後瀆人爲立生祠

李棠蔭臨縣人康熙壬辰進士授內閣中書以父病歸養服闋改知清豐縣以廉明稱

崔鶴齡臨縣人康熙壬辰進士知興寧縣有廉操縣境峒獠雜處山谷間宵小易於遁跡鶴齡察知民利病編保甲定約束使不相擾病卒於官櫬不能歸士民感泣醵金爲助乃得返葬

劉而位字爾爵汾陽縣人康熙癸巳舉人知安陽縣至則訪民間疾苦有不便於民者務爲滌除凡訟案不使一夕稽留五年擢泉州府未幾簡授分守巡海興泉永

兵備道以足疾歸起歷四川清軍驛傳鹽茶道分巡松茂兵備道川南永寧道疾復作卒於官其至泉州也屬縣其貪婪不職有叔父在朝爲貴官劾之無所畏避及病家居講學十載每揭孟子是非之心大學毋自欺爲言故在蜀時制府尹公以理學經濟體用兼優稱之所著書有省克引一卷家訓數十則及社學鄉約條規爲學之槩得於理趣者雖淺深但如所見要歸於躬行爲本

高能宣臨縣人康熙丁酉舉人知平江縣廉介善撫字平江疲於輸糧積欠至十餘年能宣抵任悉釋其拘繫

勤舞勸導。夙逋一清。士民頌之。膺卓薦。擢刑部安祿司主事。母憂廬墓二載。病篤。親友勸之還家。閱月卒。

賀凝祚。永寧州貢生。官樂平縣訓導。事親以孝聞。祀忠孝祠。

安之瑄。平遙縣諸生。有孝行。雍正十二年。舉孝廉。縣人以之直報。辭不應。其善行多爲里黨所稱。

穆生輝。臨縣人。由行伍官臨襄總鎮都督同知。西山寇亂。殉難。廕其子。授臨洮同知。

梁梗。永寧州人。順治戊子舉人。知新寧縣。前此盜林亞祐等盤踞百峰山。官兵擒斬。及梗到縣。上官令將亞祐

五人斃諸獄。榘研察乃林亞友，開平人也。友祐聲相邇，防兵誤獲成獄，爲申辨，往復十有七次，乃得釋。有海島五屬縣境，值查闢田陞科，榘因民貧，僅報六百畝。巡撫怒，榘曰：「不敢圖一己之功名，貽萬年之大害。」巡撫稱善。又值取楠木，鄰縣以五株費至白金六萬，榘念民貧，不能堪，卒請獲免。

馬得正，介休縣人，以供事與纂修議敘，判彞陵州。時吳三桂爲亂，州當其衝，軍需旁午，悉委籌辦。復隨軍進剿，凱旋，擢知銅陵縣。縣濱江，爲築大隄數百丈，建石牓司，啟閉善，斷獄民服。其平允憂歸，起服補魚臺縣，亦水國。

力浚河百餘里以平水患後擢知桂陽州未赴致仕
歸臺祀入名宦

張芑介休縣人甫二歲父遠出無音耗及長尋至江浙
得父柩以歸事母以孝稱母喪哀毀骨立築室墓側每
食必奠人咸稱之

李克溫平遙縣人事
盡孝行卒後數十年鄉人
言子孝必稱克溫

梁禹甸字奕奕平遙人
拔貢生知長安縣擢知河
州俱有仁廉稱能自持
等逢迎

王元勳臨縣人康熙庚子鄉舉第一後揀發廣東權知

清饒平二縣皆有政聲。又權判潮州府。卒於官。

王祚興，永寧州人。康熙丁未進士，知三水縣。時遭兵燹之後，地荒民逃，數歲無徵。虧錢糧正供，民因此益流亡不返。祚興到縣，力請蠲豁荒地逃丁，屢觸上官怒。終得請，每歲得免地丁正額銀三千七百有奇。而民困始漸蘇。累擢至湖廣提學僉事。士服其公明，多立石紀績。

呂文櫻，字果初，汾陽縣人。康熙丙戌進士，知弋陽縣。又權知金谿，行取監督大西倉。以高安朱相國薦，授戶部浙江司員外郎，轉禮部儀制司郎中。服闋，授湖廣道監察御史。尋擢通政司右叅議，改授奉天府府丞。以老告。

方任弋陽時甲與乙爭婚甲貧既聘婦而乙寔先貧
貧富婦家再受聘妄稱乙先出其聘物爲證察之辨屬
造詰乙曰若故貧安得有此詭稱三年前某舖造也
造者對簿纔及一月耳女遂歸甲有以田質於人代
書質契者已死受田之家疑質契更爲賣契賂代書者
之子証之聽治時
文書生亦爲人作此邪曰有
之如某氏某田某
出父手因曰爾宜和其事
次日具覆不能
所書二契已取至真僞判
然乃予杖而許質者
署金絡有鄔某死於途身
負挺痕莫可跡見鄔妻呈詞有讐殺字密訊之則云夫

出不攜一物非盜殺故疑爲讐問其讐不敢言因屏左
右導之言始述族有名歇雲者嘗以訟啣報疑其所爲
而無據察情辭非妄逮歇雲至堅不吐既而授意一隸
俾伏聽而遣卒佯報歇雲已成招今解府速辨行費母
與妻俱哭卒卽去姑怨婦不阻其所爲婦以所持械在
姑室中不知何時竊去伏者呼曰姑媳已承矣拘至案
歇雲服罪其判事務研審類如此時縣於上官有積習
未除文櫻羞逢迎矜名節適巡撫廉知文櫻爲吏良首
列薦章格於俸淺未合例及入爲大司馬復以才守力
薦故文櫻得列行取子審詔字學三乾隆甲戌進士

有學行鄉人多德之。文樞第四弟曰文樞，字用晦，康熙
庚子舉人，舉孝廉方正，又舉端人正士，皆不就。呂肯堂
字子建，汾陽縣諸生，性朴直，舉優行，貢入成均，而文樞
亦官國子監助教，與肯堂同姓不宗，素相善。既而文樞
逮獄，對簿時問者曰：「此有呂肯堂造言耳，意欲以肯堂
脫文樞。」文樞直應曰：「忌者欲擠我，何可旁及？蓋前一夕
已有人導意。」文樞荅言：「吾豈嫁禍於正人哉？」文樞之子
審廉在家聞父逮獄，六日走千三百餘里，奔至京師，晝
夜徬徨，兩閱月，竟感疾，口中連呼辨寃而絕，不瞑。是時
事已得解，文樞哭慰之，曰：「我事已白，汝何牽於心？」

賤邪語畢卽賤審廉字元清雍正乙酉舉人海寧陳相國悲其志作呂孝子傳其後文樞歸肯堂無所合亦歸家居講學弟子甚衆肯堂教人必先端品行然絕口不臧否人物能詩別無著述而後學言人品學問咸推服之文樞著春秋正宗十二卷及集古今人物曰正氣錄劉廷翰字子藩永寧州人祖爾勳歲貢生當明之季負母避亂猝遇賊以身衛母中流矢抱持不釋旣而創合母子無恙性仁孝濟人惟恐不及廷翰康熙辛丑進士知政和縣蒞任前二日次浦城聞廚張舖墊舊皆胥吏預備而胥吏徵之里甲爲陋規遽禁止之居四年實政

愛民以賢能調福安代者至盤倉穀降令碾者私其
曰穀濕計每石折閱幾二斗廷翰不與校然缺額盈千
矣建寧府知府疑之親臨核實則縣民環呼籲求留任
太守顧謂代者曰疇不畏新官嗔者而戀戀舊官乃若
是因命取穀監碾則每石得米五斗外且浮二三升代
者雖語塞猶以其厥惡爲辭時衆民聚觀爭歸輦負
以易頃刻間脫然免於累念年逾六十力請致仕未一
年卒於家

賀方泰臨縣人雍正丁未進士知永寧縣治務寬厚改
代州學正方泰四歲喪母於祖母馬氏性孝爲童子

誦詩讀書每觸念泣下。

劉元錫字服章永寧州人雍正丁未進士知臨邑縣歷
壽張文登遷知德州擢知青州府改濟南病解任尋起
權知沂州府海寧陳相國知其賢薦臺諫之職會疾作
卒於官元錫明吏治所至有聲壽張東距會通河三十
里而近古濟汶之會由縣境以入海而宋熙寧中黃河
決澶州趨壽張之張澤灤明正統中決新鄉漫曹濮潰
壽張沙灣故縣境多瀉鹵洿澤民恒苦澇治之南沙嶺
小龍灣等七窪其下雖舊有河形歲久湮塞計民田五
萬七千五百餘畝遇久雨輒沒水中元錫相度地勢闢

分洩導沙嶺窪之水由黃家岡出小龍灣等窪之水
五汊口出各設牐扼其衝前此蒞壽張者或議疏濬
卒恐有妨運道因循未敢興事至是而數萬畝民田無
憂於淹浸文登濱海隅俗輕生婦人尤甚一歲中自戕
者至百數十人元錫爲勸戒語俾鄉之老成人集男婦
徧爲講說自後輕生之案遂終歲無聞及爲府時以歷
官二十載所躬自體驗者十有五事成書一帙曰切戒
欺飾曰隨事教化曰獎勵善良曰矜恤窮民曰禁借命
誣告曰清釐保甲曰設立義學曰戒民輕生曰速審詞
訟曰禁飭胥役曰詳慎初報曰矜恤獄囚曰量捐積穀

曰嚴緝盜賊曰整緝橋道渡船語皆樸質以告所屬州縣其書題曰商言謙辭也論禁借命誣告有云鬪毆殺傷難保必無徃徃有將平日睚眦之怨羅織詞內問官以事關人命不得行拘訊到案不承嚴刑備至每多誣服以致沉寃莫訴卽問官明白查訊得實而初詞有名輾轉地累動輒經年幸留殘喘業已家傾產蕩嗣後如有誣捏按律反坐不宜以事出有因等語代爲開脫仍先將執法本意逐細示諭俾知警惕論速審詞訟有二云如婚姻地土始必批查覆未清晰至再至三民間已多徃返及經準理差役傳喚不定帶到確限該役每多

需索壓捺稟到之後問官又多停攔甫經懸牌示審臨時或有事故不得行改期既審未結又復另期改審熒熒小民何堪輾轉守候余歷任以來票內俱令注明離城里數三十里限二日五十里限三日遞遠遞加另備手摺將簽票事由期限逐條登記置之案頭到卽審理十數年間並不懸牌示審如有壓捺展摺卽知期限有常審理無滯該差鬼蜮難施論禁飭胥役有云若輩外似謹愿內多奸詐誤信其貌任用不疑或與家人勾結內外串通竊權恣肆作奸犯科無所不至惟在吾輩居心清肅不爲所中事由內定毋使置喙論詳慎初報

有云人犯初到真情難掩得情一易問官每易視之命案傷械不符盜案贓夥未確之類無心細詰迨至審解供情互異初報不能更動輾轉籌畫移情就事業已大費周章或事相逕庭罪關生死何忍置生於死應死而生難爲辨白上司以事關出入不得不行駁詰再四頂詳始得定案問官以生死各當心輪得釋嗟此無辜業已備受刑楚案內無干亦受無窮拖累此皆初報不慎之故以上四事議論切深可列爲治法故刪取著於篇者其首之以戒欺飾尤接乎上下之本元錫在文登常以事傳保正某後期詰之惟俯首請罪怪其色沮問旁

役則曰其家有妖魅少違禍且立至彼若言此又涉妄
言故不敢言元錫命其人以狀訴歸未具狀妖遂絕

曰唯汾陽縣人家貧甘旨不闕於供一事養之常咸
出於至性鄉里目之為孝子其祖母年七十有二感傷
寒症不汗醫已絕命其子自卧祖母被中未
幾曰唯福體皆

業而由家庭戚
困厄必身任之雖貧
竭財力以行所
而幸衆論惜之

丁歲春孝義縣
孝稱家貧勤學雍正五
年學使按臨日
即學使公堂再拜歲春爲

師生平讀書務體三才之理。讀大學當於知意心身體認
明德讀中庸當於喜怒哀樂體認中和。方見聖賢語言
於人無隔礙。所論著有四書撮要。周禮正編。內則烈女
傳。詞言訓詞等書。子運升乾隆丁卯舉人。

霍愚孝義縣人。天性過人。父母歿。居喪盡禮。三年之內
每食必號泣。以祭。友人趙念祖將遊京師。無擔石之儲。
猝舉家托愚。歲餘歸。妻子衣食贖足。出其望外。晚年家
業已耗。猶屢爲族人之貧者輸納官糧。雍正八年。衆議
舉愚孝廉。却不受。愚美丰姿。少時有豔婦誘挑之。愚謹
有知者重其持正。

賈權字爾衡汾陽縣諸生雍正中舉知宣城縣又權知
寧國縣舊例漕米折色徵收糴於蕪湖關議價必贏餘
目爲出洗權爲滌弊僅行其價正數民秋頌之其在宣
城也始至卽滌免帶紅銀三千諸陋規汰淨一清
尤善決疑案廉能之譽聞卽噪遠邇涇縣民爭戶
口及是百年矣至繫獄下卷牘山積援引百餘
人巡撫曰此非賈宣所能辦卽以委權察得其情實遂
一言而決會行取卽爲父母老又無他兄弟遂
告歸宣城故有祠祠在宣城縣城內李太白名二賢祠民相與
增之曰三賢肖像其祠在宣城縣城內建專祠於敬亭山

張士俊介休縣人由行伍起授保定營守備擢遊擊旋
轉淮安漕標叅將理河務淮安城低下臺堞與漕渠緣
隄齊平雍正八年水漲不踰隄者寸許士俊曰惜小費
貽大害非計也隄西洪澤湖汪洋萬頃決隄使水入湖
及勢殺而後議補苴於城漕兩利當是時淮民賴之越
數歲授四川重慶總兵官設救生船以濟瞿塘行楫復
調雲南歷永順昭通兩鎮乾隆九年以老乞休邀恩
加銜予蔭

梁眉孝義縣人父可傳樂施與時出錢粟周里中貧乏
其死亡者助之棺衾眉有孝行值兵荒負母潛逃山

中母卒。柩在殯，頃刻不離苦次。知縣陳之文額表可傳。曰：義士表眉曰孝子，眉子佩亦端方恪謹。知縣閔衍額表之曰德行可傳，眉佩並諸生。

李昱，寧鄉縣貢生，有孝行。父歿，事繼母，撫稚弟，誠篤備至。里黨中言孝友，必稱道昱。昆弟同居數十年，昱歿後，弟乃析產，多自予，兼數倍。人見昱之子，時時不給，愈多。昱之賢，同縣人劉有德與弟有才，家貧，以傭工供旦夕。兄弟俱天性過人，母瞽，盡孝養。鄉人稱之。知縣呂履恒聞其貧而能孝，時給以錢粟。

宋元址，字定中，汾陽縣人。以歲貢生官和順縣訓導。元

址性孝友少失父事繼母曲盡子職生平雖無所見於世子弟後學咸以其內行修也奉之爲師法良有司至是者亦樂表其善行以爲多士勸子鈺壬子舉於鄉亦以孝稱

郝之芳字炳青汾陽縣人歷官壺關縣訓導知山東之肥城縣江西之瑞昌縣遷太常寺博士改中書科中書
陛見日以同知用發往江南權知江陰縣事數月因病
告歸其居官有廉操多惠政自少失父事繼母以孝聞
與弟之荃之芬友愛極篤兩弟亦念兄居官清正常輦
家貲所有至衙署以佐祿入不及蒞肥城時值歲饑奉

文賑貸不少假手胥吏務於民實有濟及至瑞昌捐俸
創設義學又於忠孝節義祠旁建講堂課勵其秀民得
以造就者多人共呼爲郝公講堂

曹曰英字彥傑汾陽人少孤事母孝爲諸生有聲學
素饒能推恩族黨頗以舉火者衆有張媪者於母爲中
表姊妹媵老無所依養英舍其身居鄉務退讓子學會
偶與老農語言不相合而舍謝失教不問曲直也
縣境舊食附近土鹽斷斷不東之引而不食其鹽惟輸
稅於官謂之鹽稅旣而設商價昂不便民且巡役肆行
窮簷愁怨或至誣指平民私販其害不可究詰曰英與

衆詣官白狀，率得請，均其稅於糧而廢商民，以不擾。蓋居恆悛悛，而遇所當爲，未嘗懼懦。有如此，曰英與同縣王敏友善，敏極狷潔，衆共呼之曰王廉士。惟曰英，餽粟遺布，敏無所違。却人或效口英之爲，輒復不見。綱曰：英生平重然諾，與人交有始終。卒年五十有一。乾隆辛巳，以第三子學閔官檢討。覃恩勅贈如其官階。

胡侃，字介峰，汾陽縣諸生。遠近咸呼爲胡孝子。父宗堯，官馬邑縣教諭，憂歸。旣而病累年，侃侍養盡孝道。鄉人咸爲之感動，故以孝子之名歸焉。侃聞愈，益自責。父歿後，適朝廷有保舉例，知其行者欲起之。侃以母老辭。

卒不就

任錫嘏石樓縣諸生事母孝母癱病十餘年侍養不離側乾隆元年學使聞而表之

冀晏平遙縣人性孝誠祖母癱病卧不能動移者踰三年晏晝夜侍養飲食必親進生母侯氏得蠱證醫家言蠱之屬名血蠱者以口吸去膿血得愈晏卽親吸之而母病果除縣中以孝行聞者鄧良輔鄧石長郭文煥任憲章趙榮秀郝振都喬壯觀冀良壁冀州燼喬法舜皆能誠篤不失子職

段珂字佩斯汾陽人乾隆己未進士知浦城縣值歲饑

力請得賑恤又多方活饑民計民賴以生尋丁母憂歸泣送者不絕於

李錫嘏字如九臨邑人乾隆乙丑進士歷知陽武祀二縣始至陽武值水災親視民間疾苦請帑給賑其年冬復捐俸及勸富民輸粟煮賑民賴以不至失所祀歲饑錫嘏盡心安集奉文賑恤亦如陽武以堪勝知府保舉尋權知衛輝既而同知開封督漕卒於途次其居官勤民事多惠政祀人立生祠於西郊外

何其慧永寧州拔貢生性孝友事母曲盡子道以朝考

第一知鹽山縣

王玉書永寧州人有孝行乾隆十五年父病醫藥不效將危玉書請於父問思食何物父曰惟思桑木耳正值隆冬此物萬無生理玉書泣禱於神卧桑樹下竟寐久之及覺仰見樹則木耳新生色甚鮮取以進父病頓愈鄉人奇其事知州李廷秘聞之額表其門曰孝續臨沂張廷藩介休縣人有孝行居喪廬墓三年後官朔平府訓導乾隆二十三年以孝子旌祀鄉賢而右玉縣訓導郭恒鋹生員石汝璋田馨美生員梁浩弓斯張孟培烈董居中生員張國璞皆以孝行稱監生宋如隱齊東縣知縣梁洲定州同知張正任亦以廬墓稱孝

張呈繡介休縣監生七歲失父事母孝母嘗病思乳泉
泉在山險中往汲遇虎虎迫視之徐去人以爲孝誠所
感及母喪廬墓三年乾隆三十四年知縣王謀文爲請
旌